

Denhdwngj Banh Gaiq Daihngeih “Cien Vunz Fouxdkwklangh” Doxdax

天等县举办第二届“千人打榔舞”比赛

4 nyied 20 hauh, Denhdwngj Yen youq yienhsingz banh gaiq daihngeih “cien vunz fouxdkwklangh” doxdax. 17 aen doihdoxdax gungh 1000 lai vunz daj ndaw yienh gak yanghcin、hagdangz、gihgvanh danhvei daeuj haenx haenqhwd doxdax, baijyienj le fouxdkwklangh ciuhnduj、lwgnyez fouxdkwklangh、cien vunz doengzcaez diuq fouxdkwklangh daengj, ciengzmienh hoenghhwd. Doeklaeng, gij doihdaiqbiuj Denhdwngj Yen Minzcuz Gauhcungh、Denhdwngj Yen Caizsui Hidungj dued ndaej it daengj ciengj.

Fouxdkwklangh youq Denhdwngj gaeng miz baenz cien bi lizsij, dwg gyoengq cojcoeng Bouxcuengh ndaw gyaiq Denhdwngj cauh diuq, dwg cungj foux ndawbiengz yungh guh mbaenj fuk、boiznyienh、cuengqcaeq、guh’ angq ndeu, dwg feihyiz mingzloeg Guengjsae. Bi 2014 Denhdwngj ndaej Cungguk Vwnzyi’ gyah

Hezvei dingh guh “Mbanjranz Fouxdkwklangh Cungguk”, bi 2016 “fouxdkwklangh Bouxcuengh” ndaej swcigih vwnzva cinghbinj hanghmoeg laebhangh.

(Hoz Gaijenz/何凯旋 Cinz Liujsenh/覃柳鲜)



▲Lwgnyez yienj fouxdkwklangh.



▲Aen ciengzmienh cien vunz diuq fouxdkwklangh hoenghhwd.



▲Vunzmbanj yienj heiq caijdiu.

Denzdungh Yihih: Caijdiu Haprwenz Hek Caenx Daeuj 田东义圩：唱响彩调迎客来

4 nyied 24 hauh (liggaeuq ndwensam ngeihbet) Denzdungh Yen Yihih Cin gawjbanh ciet caijdiu, vunzmbanj seiqhenz caeuq caencik baengzyoux cungj doxcaeh humx daeuj yawj heiq, ciengzmienh hoenghhwd.

Gaiq ciet caijdiu neix neiyungz miz lai cungj lai yiengh, cawz yienj heiq caijdiu le, lij miz dwkgyangq doxdax、bengcag doxdax、dieb maxfaex byaij、mousei doxdax buet、gyongx bithom hozdung、baijgai jigwn daengj. Yihih Cin heiq caijdiu gaeng miz gyawj bak bi lizsij, citheiq miz 《Boigoujlien》、《Dwkcax Gouq Meh》、《Doz Suenggvig》、《Giuz Raemxgim》daengj 30 lai cungj. Ciet caijdiu dwg youq moix bi ndwensam ngoenzhaw satbyai hoengh banh, baenz le aen bingzdaiz swncienh hoengzyiengz minzcuz conzdungj vwnzva, coicaenh ginghei dangdieg hwngfat ndeu.

(Moz Haijyen/莫海燕 Nungz Gisinh/农钜森)



▲Dieb maxfaex byaij doxdax.

Nazboh Baez Nduj Banh Vaiz Doxdaemj Doxdax

那坡县首次举办斗牛比赛

4 nyied 25 hauh, youq diemjsenjoyouq Nazlai Cunh Cwngzsiengh Cin Nazboh Yen, geij cien boux vunzyawj humx youq aen ciengz doenghduz doxdaemj ngamq guhbaenz haenx, haeujyinx haeujmeih dwk yawj song duz cwz youq ndaw ciengz doxdaemj haenqhwd. Ngoenz haenx, 26 duz cwzdaeg daj Yinznanz、Guengjsae daeuj camgya doxdax haenx ginggvaq ciengz dem ciengz doxdaemj haenqhwd, gij duzcwz Yinznanz Fuzningz Yen Loz Ginhfuz、Bwzswngj Yangh Nazboh Yen gih raeuz Vangz Yungj、Yinznanz Funingz Yen Vangz Hinghmingz ciengx haenx faenbied dued ndaej A、B、C sam aen cujbied daeuzmingz. Ciengz vaiz doxdaemj neix hawj bouxyawj roxnyinh mizyinx raixcaix, caemh fungfouq le gij hozdung lizyouz vwnzva fungsug dieg henzguk, coicaenh hongsaeh lijyouz hwngfat.

(Linz Yungzsenh/林荣先)



▲Song duz cwz doxdaemj haenqhwd.

Gunghcwngz Gyahvei Cin: Ranzsaw Nungzgya Homsaw Naek

恭城嘉会镇：农家书屋书香浓



▲Vunzmbanj youq henz gyaqsaw genj saw yawj saw.

Haeuj ciethaiq ndaemcin gvaqdaej, youq gij “ranzsaw nungzgya” Gyahvei Cin Gunghcwngz Yauzcuz Swciyen haenx, moix ngoenz cungj miz haujlai vunzmbanj bae ndawde yawj saw yawj bauq、cazyawj gij gisuz moq caeuq hawciengz hangzcingz moq, maqmuengh daj ndaw saw ndaw bauqceij ra ndaej gij banjdaez ndei demlai souhaej bauj saedceij vuenyungz haenx. Seizneix, aen cin neix gaeng laebbaenz “ranzsaw nungzgya” 14 aen, miz saw 80000 lai cek, nangq daengz dajndaem、dajciengx、gohgi、vwnzyoz daengj lai fuengmienh de, miz 2.6 fanh lai nungzminz souh’ ik. Ndaw doz dwg 4 nyied 23 hauh Daihngeihcib It Aen Ngoenz Doegsaw Seiqgyaiq ngoenzde, gyoengq vunzmbanj Gizsanh Cunh Gyahvei Cin bae ndaw “ranzsaw nungzgya” yawj saw.

(Liengz Veih/梁辉 Vangz Sezgen/王雪健)